


SLUŽBENI LIST

REPUBLIKE BOSNE I HERCEGOVINE



СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina III - Broj 15

Petak, 24. juni/lipanj 1994.
SARAJEVOZa svaki broj posebno se
utvrđuje cijena
Žiro-račun 10100-603-1396

292

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O MINISTARSTVIMA I DRUGIM ORGANIMA DRŽAVNE UPRAVE REPUBLIKE BOSNE I HERCEGOVINE

Proglašava se Zakon o ministarstvima i drugim organima državne uprave Republike Bosne i Hercegovine, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1667/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O MINISTARSTVIMA I DRUGIM ORGANIMA DRŽAVNE UPRAVE REPUBLIKE BOSNE I HERCEGOVINE

I - OSNOVNE ODREDBE

Član 1.

Ovim zakonom osnivaju se ministarstva, državne uprave i državne upravne organizacije Republike Bosne i Hercegovine (u daljem tekstu: Republika), kao i uprave i upravne organizacije u sastavu ministarstava, utvrđuje njihov djelokrug i uređuju druga pitanja od značaja za njihovo organiziranje i funkcioniranje.

Član 2.

Ministarstva i drugi organi državne uprave Republike će do postizanja i primjene konačnog mirovnog sporazuma o Bosni i Hercegovini vršiti i poslove ministarstava i drugih organa državne uprave Federacije Bosne i Hercegovine (u daljem tekstu: Federacija).

Ministarstva i drugi organi državne uprave Republike poslove iz djelokruga utvrdjenog ovim zakonom vrše na teritoriji Republike ako zakonom Federacije nije drukčije uređeno.

Na teritoriji Federacije ministarstva i drugi organi državne uprave Republike vrše funkciju u smislu stava 1. ovog člana u skladu sa djelokrugom utvrđenim Zakonom o ministarstvima i

drugim organima državne uprave Federacije Bosne i Hercegovine.

Član 3.

U ministarstvima se mogu osnivati uprave i upravne organizacije.

Državne upravne organizacije i upravne organizacije u sastavu ministarstava imaju svojstvo pravnog lica.

II - MINISTARSTVA I DRŽAVNE UPRAVNE ORGANIZACIJE

1. Ministarstva

Član 4.

Ministarstva Republike su:

1. Ministarstvo odbrane - Ministarstvo obrane,
2. Ministarstvo unutrašnjih poslova - Ministarstvo unutarnjih poslova,
3. Ministarstvo vanjskih poslova - Ministarstvo inozemnih poslova,
4. Ministarstvo finansija - Ministarstvo financija,
5. Ministarstvo pravde,
6. Ministarstvo energetike i industrije,
7. Ministarstvo prometa i komunikacija,
8. Ministarstvo prostornog uređenja, resursa i zaštite okolice,
9. Ministarstvo trgovine,
10. Ministarstvo za izbjeglice i socijalnu politiku,
11. Ministarstvo zdravstva,
12. Ministarstvo obrazovanja, nauke, kulture i sporta.

Član 5.

Ministarstvo odbrane - Ministarstvo obrane vrši upravne i druge stručne poslove koji se odnose na uređivanje, razvoj, izgradnju i ostvarivanje sistema odbrane u Republici Bosni i Hercegovini i organiziranje i izvršavanje poslova vojne i civilne odbrane, i to: vojnu evidenciju; regrutiranje; mirnodopsku i ratnu popunu i mobilizaciju oružanih snaga Republike Bosne i Hercegovine (u daljem tekstu: Oružane snage); organiziranje, planiranje, razvoj i opremanje oružanih snaga; koordinaciju istraživanja i konstruiranja proizvoda naoružanja, planiranje, inženjering, verifikaciju, osiguranje kvaliteta i nabavke na domaćem tržištu naoružanja i vojne opreme, učešće u pripremi akta o izvozu i uvozu naoružanja, vojne opreme i repromaterijala za proizvodnju naoružanja i vojne opreme; priprema konceptijskih rješenja obučavanja u Oružanim snagama; rješavanje statusnih pitanja pripadnika Oružanih snaga; naučno-istraživački rad u Armiji i vojno školstvo; organiziranje, pri-

premanje, opremanje i obučavanje i rukovođenje civilnom zaštitom, službom osmatranja i obavješćavanja, vezama rukovođenja i kriptozastite Armije i državnih organa; izradu i uskladjivanje planova odbrane i planova zaštite društveno-političkih zajednica državnih organa, preduzeća i drugih pravnih lica od elementarnih nepogoda; pripreme i uređenje teritorije za potrebe odbrane i zaštite; planiranje, organiziranje i provođenje obuke za odbranu i zaštitu; popunu i mobilizaciju ljudstvom i materijalno-tehničkim sredstvima državnih organa, preduzeća i drugih pravnih lica; organiziranje i izvođenje vježbi i drugih oblika obuke snaga odbrane i građana; pripremanje i osposobljavanje društvenih organizacija i stručnih institucija od značaja za odbranu i zaštitu, za njihovo učešće u zaštiti i spašavanju ljudi i materijalnih dobara; prikupljanje, čuvanje i eksploataciju vojno-historijske građe; strategijska istraživanja; planiranje i razvoj i vojnu saradnju sa armijama drugih država; predlaganje u vezi imenovanja i razrješenja kadrova u diplomatsko-konzularnim predstavništvima i inspekcijски nadzor u oblasti vojne i civilne odbrane; učestvuje u nadzoru nad vojnom proizvodnjom i prometom naoružanja i vojne opreme.

Član 6.

Ministarstvo unutrašnjih poslova - Ministarstvo unutarnjih poslova vrši upravne i druge stručne poslove koji se odnose na: zaštitu ustavnog uređenja i sprečavanje nasilnog ugrožavanja tog uređenja i sigurnosti Republike; zaštitu života i lične sigurnosti građana i stranaca; sprečavanje i otkrivanje krivičnih djela; pronalaženje i hvatanje učinilaca krivičnih djela; održavanje javnog reda i mira; osiguranje određenih ličnosti i objekata; saradnju sa odgovarajućim organima i organizacijama drugih država u poslovima koji proizilaze iz članstva u Međunarodnoj organizaciji kriminalističke policije; međunarodnu pomoć i druge oblike međunarodne saradnje u oblasti unutrašnjih poslova; osiguranje zgrada državnih organa i organizacija i stranih diplomatskih i konzularnih predstavništava; kriminalističko-tehničko vještačenje; sigurnost saobraćaja na putevima; kontrolu prelazanja državne granice; boravak i kretanje stranaca; putne isprave za prelazak državne granice; protivpožarnu zaštitu; promet, prijevoz i uskladištenje opasnih materija, osim radioaktivnih materija, otrova, zagađujućih i zaraznih materija; organiziranje, naoružanje, opremanje, osposobljavanje i usavršavanje aktivnog i rezervnog sastava policije u Republici; utvrđivanje i organiziranje funkcionalnih sistema veza Ministarstva; lične karte; lično ime; prijavljivanje prebivališta i boravišta građana; državljanstvo; matične knjige, jedinstveni matični broj građana; registriranje motornih vozila; nabavljanje, održavanje i nošenje oružja i municije; održavanje javnih skupova; školovanje, stručno osposobljavanje i usavršavanje kadrova za potrebe organa za unutrašnje poslove; naučno-istraživačke poslove iz okvira djelatnosti policije i službe državne bezbjednosti; pružanje pomoći radi otklanjanja posljedica u slučaju opće opasnosti prouzrokovane elementarnim nepogodama i epidemijama i inspekcijски nadzor u oblasti protivpožarne zaštite.

Član 7.

Ministarstvo vanjskih poslova - Ministarstvo inozemnih poslova vrši upravne i druge stručne poslove koji se odnose na: provođenje vanjske politike; zaključivanje, ratificiranje i izvršavanje međunarodnih ugovora i obaveza Republike; zaštitu interesa Republike, njenih državljana i njihovih interesa, kao i interesa domaćih pravnih lica; organiziranje i djelatnost službi vanjskih poslova Republike; praćenje razvitka međunarodnih privrednih odnosa; ostvarivanje političkih, ekonomskih, diplomatskih, kulturnih i drugih odnosa Republike sa organima drugih država i međunarodnih organizacija; konzularno-pravne poslove; međunarodnu pomoć; uspostavljanje, održavanje i unapređivanje kulturnih odnosa sa iseljenicima iz Republike i njihovim udruženjima, građanima Republike na boravku i radu u inozemstvu i članovima njihovih obitelji, pripadnicima naroda Republike u drugim državama.

U sastavu Ministarstva vanjskih poslova - Ministarstva inozemnih poslova je Zavod za međunarodnu naučnu, tehničku, obrazovnu i kulturnu saradnju.

Zavod za međunarodnu naučnu, tehničku, obrazovnu i kulturnu saradnju vrši stručne i druge poslove koji se odnose na: pripremanje, izradu i izvršavanje međunarodnih sporazuma i programa naučno-tehničke, prosvjetne i kulturne saradnje sa drugim državama i međunarodnim organizacijama; stipendiranje, redovno školovanje; specijalizacije; međunarodne istraživačke i razvojne projekte; praćenje i evidentiranje neposredne saradnje sa inozemstvom u naučnoj, tehničkoj, obrazovnoj i kulturnoj oblasti.

Član 8.

Ministarstvo finansija - Ministarstvo financija vrši upravne i druge stručne poslove koji se odnose na: poreski sistem i poresku politiku, devizni sistem, carinski sistem, carinsku tarifu i mjere vancarinske zaštite, sistem finansijskih odnosa sa inozemstvom, kreditne odnose sa inozemstvom; novčani inonetarno-kreditni i bankarski sistem, monetarno-kreditnu politiku, odnose sa međunarodnim finansijskim organizacijama; projekciju i politiku platnog bilansa sa inozemstvom; sistem origuranja imovine i lica, sistem taksa, doprinosa i drugih dažbina i igara na sreću; sistem finansiranja javne potrošnje; finansiranja funkcija Republike, izradu i izvršenje budžeta Republike i godišnje obračune budžeta Republike; sistem finansiranja i formiranja razvojnih fondova, sistem finansijskog poslovanja (platni promet, hartije od vrijednosti i sanacije), obračunski sistem (računovodstvo, knjigovodstvo i bilanci); sistem funkcioniranja Službe društvenog knjigovodstva; fondove Republike; nadzor nad izvršenjem budžeta, budžetsku inspekciju, nadzor nad korišćenjem sredstava Republike, sistem solidarnosti, uvjete sticanja i raspoređivanja ukupnog prihoda i raspoređivanje dobiti preduzeća; kompenzacije, premije, regrese i investicije koje se finansiraju iz sredstava Republike, zaštitu imovine Republike u inozemstvu; nadzor nad primjenom propisa koji regulišu devizno poslovanje i kreditne odnose sa inozemstvom vezano za promet roba i usluga u inozemstvu i obavljanje privrednih djelatnosti u inozemstvu; poslove Republičkog trezora koji se odnose na upravljanje novčanim tokovima, dnevno praćenje novčanih sredstava, obaveza i potraživanja i utvrđivanje dinamike plaćanja i planiranja osiguranja radi osiguranja finansijskog tržišta, poboljšanje finansijskog sistema kojim se vrši finansiranje na nivou Republike, javni dug i njegovo servisiranje, imovinu Republike, ostvarivanje uvida u kretanje ponude i potražnje na tržištu novca i kretanje kamatnih stopa; kontrolu ostvarivanja prihoda budžeta Republike.

U sastavu Ministarstva finansija - Ministarstva financija su Poreska uprava i Uprava carina.

Poreska uprava vrši upravne i druge stručne poslove utvrđene zakonom.

Uprava carina vrši upravne i druge stručne poslove utvrđene zakonom.

Član 9.

Ministarstvo pravde vrši upravne i druge stručne poslove koji se odnose na: organiziranje, kadrove, uvjete za rad i rad sudova, javnih tužilaštava, javnih pravobranilaštava, sudova za prekršaje, advokature i službi upravne pomoći, nadzor nad vršenjem poslova pravosudne uprave; pravosudni ispit i ispit za sudiju za prekršaje; međunarodnu pravnu pomoć iz nadležnosti pravosudnih organa; kolizione norme iz oblasti pravosuda, pravni položaj stranaca ako zakonom nije utvrđena nadležnost drugog organa; ekstradiciju okrivljenih i osuđenih lica; pomilovanje osuđenih lica; ostvarivanje ljudskih sloboda i prava, a posebno međunarodnog humanitarnog prava i pravnog statusa izbjeglica i raseljenih lica; političke organizacije, društvene organizacije, udruženja građana i stranaca; sistem državne uprave; organiziranje i način rada organa uprave; provođenje propisa o općem upravnom postupku, posebnim upravnim postupcima i propisima o kancelarijskom poslovanju; stručni ispit radnika organa uprave; prava i dužnosti republičkih organa u korišćenju i raspolaganju sredstvima u državnjoj svojini; inspekcijски nadzor; organiziranje, kadrove i uvjete za rad i rad kazneno-popravnih organizacija, sistem izvršenja krivičnih i prekršajnih sankcija, osim sankcija koje su stavljene

u djelokrug drugog ministarstva; poslovanje privrednih jedinica kazneno-popravnih i vaspitno-popravnih organizacija; kolizione norme u oblasti izvršenja krivičnih i prekršajnih sankcija; prekid izdržavanja kazne zatvora osuđenih lica; uvjetni otpust osuđenih lica; stručne ispite radnika kazneno-popravnih i odgojno-popravnih organizacija i inspeksijski nadzor iz ove oblasti.

Ministarstvo pravde vrši upravne poslove koji ne spadaju u djelokrug drugog organa državne uprave, odnosno upravne organizacije.

U sastavu Ministarstva pravde je Zavod za javnu upravu.

Zavod za javnu upravu vrši stručne i druge poslove koji se odnose na: unapređivanje rada i organiziranje državne uprave; uvođenje savremenih tehničkih sredstava i metoda rada u državnim organima; plaće i raspodjelu sredstava za plaće u državnim organima; stručno obrazovanje i usavršavanje radnika u organima uprave; organiziranje i razvoj skupštinskog sistema i mjesnih zajednica; izborni sistem i izbor odbornika i poslanika u skupštine društveno-političkih zajednica; organiziranje, saradnju i udruživanje općina; političko-teritorijalno organiziranje Republike; organiziranje informaciono-dokumentacionog centra organa državne uprave i izdavanje publikacija iz oblasti javne uprave.

Član 10.

Ministarstvo energetike i industrije vrši upravne i druge stručne poslove koji se odnose na: energetiku; rudarstvo; industriju; kreiranje energetske politike; privredne djelatnosti zasnovane na iskorišćavanju prirodnih bogatstava; građevinarstvo i pogonsku proizvodnju građevinskog materijala; poduzetništvo i lične usluge; prava u vezi sa industrijskom svojinom; inspeksijski nadzor nad vojnom proizvodnjom kao i inspeksijski nadzor u oblastima elektro-energetike, parnih kotlova i posuda pod pritiskom, rudarstva i proizvodnje.

Ministarstvo energetike i industrije vrši i druge poslove iz oblasti privrede ako ti poslovi nisu stavljeni u djelokrug drugog organa državne uprave, odnosno upravne organizacije.

U sastavu Ministarstva energetike i industrije su Direkcija za kontrolu vojne proizvodnje i Zavod za standardizaciju, mjeriteljstvo i patente.

Direkcija za kontrolu vojne proizvodnje vrši stručne i druge poslove koji se odnose na: koordiniranje, u skladu sa planom opremanja oružanih snaga, razvoja proizvodnje, kapaciteta i sistema osiguranja kvaliteta proizvoda; predlaganje potencijalnih proizvođača naoružanja i vojne opreme i ugovaranje nabavke sredstava, opreme, rezervnih dijelova i usluga; učestvovanje u donošenju odluke o uvozu i izvozu repromaterijala i finalnih proizvoda naoružanja i vojne opreme kao i transfera tehnologije; planiranje i koordiniranje istraživačko-razvojnog rada novih sredstava i sistema sredstava naoružanja i vojne opreme; učešće u verifikaciji sredstava naoružanja i vojne opreme i utvrđivanje standarda; obuka kadrova i utvrđivanje standarda u ovoj oblasti kao i druge poslove utvrđene zakonom.

Zavod za standardizaciju, mjeriteljstvo i patente vrši stručne i druge poslove koji se odnose na: standarde, tehničke normative i norme kvaliteta; unifikaciju i tipizaciju proizvoda roba i usluga; sprovođenje sistema atestiranja, homologacije i znaka kvaliteta; sistem mjernih jedinica i kontrolu mjera plemenitih kovina; zaštitu pronalazaka, tehničkih unapređenja žigova, oznaka porijekla proizvoda, uzoraka i modela.

Član 11:

Ministarstvo prometa i komunikacija vrši upravne i druge stručne poslove koji se odnose na: unutrašnji i međunarodni drumski, željeznički, zračni, pomorski, riječni i jezerski saobraćaj, cjevovodni i poštanski saobraćaj; sigurnost drumskog, željezničkog, zračnog, pomorskog, riječnog i jezerskog saobraćaja; kontrolu letenja; pretovarne usluge; telekomunikacije; infrastrukture informatičkih sistema; standardizacija opreme i kontrola atestiranja; planiranje i međunarodnu koordinaciju radio-frekvencija za potrebe države; saradnju sa međunarodnim organizacijama; inspeksijski nadzor u oblasti zaštite javnih puteva, aerodroma i luka, drumskog, željezničkog, vazdušnog, cjevovodnog i poštanskog saobraćaja, saobraćaja na vodama,

telekomunikacija i kontrolu radio-frekvencijskog spektra; održavanje, rekonstrukciju i izgradnju puteva u skladu sa planom razvoja; finansiranje radova i povjeravanje poslova održavanja puteva ovlaštenim preduzećima; vođenje investiciono-tehničke i druge dokumentacije o putevima i putnim objektima; određivanje naknada za korišćenje puteva i unapređenje sigurnosti saobraćaja na putevima.

U sastavu Ministarstva prometa i komunikacija su Direkcija civilne avijacije i Direkcija telekomunikacija.

Direkcija civilne avijacije vrši stručne i druge poslove koji se odnose na: vođenje evidencije svih letjelica i aerodroma; izdavanje uvjerenja o plovidbenosti letjelica i uvjerenja o upotrebljivosti aerodroma za sigurnu zračnu plovidbu; kontrolu zračnog prostora Republike; osiguranje aeronautičko-informativnog servisa i zrakoplovnih meteoroloških informacija; aktiviranje traganja i spašavanja letjelica; održavanje telekomunikacionih i navigacionih sredstava; organiziranje ispita u avijaciji; vođenje kartoteke ovlaštenog osoblja; organiziranje komisija za ispitivanje udesa i prekršaja i kontroliranje primjene propisanih uvjeta.

Direkcija telekomunikacija vrši stručne i druge poslove koji se odnose na: planiranje i koordinaciju frekvencija na međunarodnom planu i u Republici; praćenje i učestvovanje u izradi planova razvoja sistema veza; izdavanje dozvola za rad radio-stanica; monitoring i kontrolu radio-frekvencijskog spektra putem kontrolno-mjernog centra; učestvovanje u planiranju infrastrukture razvoja radio i TV difuzije u segmentu predajnika i veza i nadzor nad korišćenjem radio uređaja.

Član 12.

Ministarstvo prostornog uređenja, resursa i zaštite okoline vrši upravne i druge stručne poslove koji se odnose na: planiranje i uređenje prostora i politiku korišćenja zemljišta na federalnom nivou Republike; izradu, provođenje i primjenu prostornog plana Republike, uskladenost prostornih planova kantona Federacije sa prostornim planom Republike; planove posebnih područja od interesa za Republiku; izradu vodoprivrednih osnova; usmjeravanje dugoročnog razvoja upotrebe prirodnih resursa; saradnju s međunarodnim organizacijama i stvaranje uvjeta za nastup u inozemstvu privrednih subjekata iz ovih oblasti; osnova, detaljna razvoja geološka istraživanja; izradu osnovnih karata geofizičkih, seizmoloških, geotermalnih, minerogenetskih, geohemijskih, geomorfoloških i drugih karata; izradu geoloških podloga za prostorno uređenje i zaštitu životne okoline; laboratorijska ispitivanja stijena, čvrstih mineralnih sirovina i voda, kao i fizičko-mehanička svojstva stijena i tla; naučno-istraživački rad i izdavačku djelatnost u oblasti geologije.

U sastavu Ministarstva prostornog uređenja je Uprava za geodetske i imovinsko-pravne poslove.

Uprava za geodetske i imovinsko-pravne poslove vrši upravne i druge stručne poslove koji se odnose na: premjer, uspostavljanje i obnovu katastra nekretnina; katastar komunalnih uređaja, osim poslova koji su zakonom dati u nadležnost općine; kartografiranje teritorije Republike; geodetsko-kartografske poslove od značaja za odbranu; vođenje tehničke arhive originala planova i karata osnovnih geodetskih radova i drugih podataka dobivenih vršenjem geodetskih radova; komasaciju zemljišta i premjeravanje zemljišta za posebne potrebe; svojinsko-pravne i druge stvarno-pravne odnose na nekretninama; pravni režim državne svojine na nekretninama; imovinsko-pravne odnose na zemljištu i zgradama; evidenciju na nekretninama i pravima na nekretnine; imovinsko-pravne poslove u vezi sa nekretninama na kojima Republika ima pravo raspolaganja i davanje prijedloga za reprivatizaciju imovine i inspeksijski nadzor na poslovima premjera i katastra nekretnina, katastra zemljišta i katastra komunalnih uređaja.

Član 13.

Ministarstvo trgovine vrši upravne i druge stručne poslove koji se odnose na: unutrašnju trgovinu; ekonomske odnose sa inozemstvom; predlaganje strategije sistema i režima ekonomskih odnosa sa inozemstvom; aktivnosti iz domena aktivne i pasivne zaštitne politike; vanjsko-trgovinski promet; praćenje

i analiziranje konkurentnosti izvoza privrede Republike; zaključivanje, praćenje i izvršavanje međunarodnih ekonomskih sporazuma; realiziranje i praćenje ekonomskih aranžmana sa međunarodnim ekonomskim institucijama; politiku i sistem finansijskih odnosa sa inozemstvom i platno-bilansnu politiku Republike u saradnji sa Ministarstvom finansija; kreiranje politike uvoza i izvoza inozemnog kapitala i transfera tehnologije u saradnji sa Ministarstvom energetike i industrije i Ministarstvom prostornog uređenja, resursa i zaštite okoliša; praćenje i analiziranje saradnje sa međunarodnim ekonomskim integracijama; praćenje rada privrednih predstavništava u inozemstvu i inspeksijski nadzor u oblasti trgovine.

Ministarstvo trgovine vrši i druge poslove iz oblasti ekonomskih odnosa sa inozemstvom, ako ti poslovi nisu stavljeni u djelokrug drugog organa državne uprave, odnosno upravne organizacije.

Član 14.

Ministarstvo za izbjeglice i socijalnu politiku vrši upravne i druge stručne i druge poslove koji se odnose na: prikupljanje i obradu podataka o izbjeglicama i raseljenim licima; stvaranje uvjeta za povratak raseljenih lica u mjesta stanovanja i saradnju sa državnim organima, organizacijama, stručnim i naučnim institucijama u Republici i odgovarajućim organima i institucijama u inozemstvu o izbjeglicama i raseljenim licima; identifikaciju osnovnih i drugih potreba stanovništva za humanitarnom pomoći; iniciranje nabavke, prijem i raspodjelu humanitarne pomoći; obradivanje svih relevantnih podataka o humanitarnoj pomoći; organiziranje i uspostavljanje sistema prijema i raspodjele humanitarne pomoći i saradnju sa donatorima u zemlji i inozemstvu uključenim u proces nabavke i dostave humanitarne pomoći; politiku rada i zapošljavanja, socijalne sigurnosti i solidarnosti; pripreme i praćenje izvršavanja međunarodnih konvencija, ugovora i bilateralnih sporazuma iz oblasti rada i zapošljavanja, socijalne sigurnosti i solidarnosti; zaštitu civilnih žrtava rata; zaštitu obitelji; usvojenje i starateljstvo; socijalnu zaštitu; zaštitu članova obitelji lica na obaveznoj vojnoj službi; djelatnost društvenih organizacija i udruženja građana u humanitarnoj oblasti i inspeksijski nadzor u njihovoj djelatnosti.

Član 15.

Ministarstvo zdravstva vrši upravne i druge stručne poslove koji se odnose na: razvoj i unapređenje sistema zdravstvene zaštite i zdravstvenog osiguranja građana; način finansiranja zdravstvene zaštite građana i raspolaganja sredstvima zdravstvenog osiguranja; organiziranje rada zdravstvenih ustanova; organiziranje i kontrolu liječenja ranjenih i oboljelih van Republike, promet i uvoz lijekova, otrova i opojnih droga; stavljanje u promet pomoćnih lijekovitih sredstava; planiranje potreba u lijekovima, opremi i sanitetskom materijalu, sirovinama kao i formiranje sanitetskih robnih rezervi; nadzor nad zdravstvenom ispravnosću životnih namirnica i predmeta opće upotrebe; zaštitu od jonizujućih zračenja; sprječavanje i suzbijanje raznih bolesti; sanitarni nadzor na državnoj granici; stručno osposobljavanje i usavršavanje zdravstvenih radnika; stručno-medicinski nadzor nad radom zdravstvenih ustanova i zdravstvenih radnika; davanje sanitarno-preventivne saglasnosti za izgradnju objekata; izvršenje mjera sigurnosti i zaštitnih mjera, osim mjera koje su stavljene u djelokrug drugog ministarstva i inspeksijski nadzor u sanitarnoj i zdravstvenoj oblasti.

Član 16.

Ministarstvo obrazovanja, nauke, kulture i sporta vrši upravne i druge stručne poslove koji se odnose na: predškolsko, osnovno i srednje obrazovanje i odgoj; visoko obrazovanje; program aktivnosti za predškolski odgoj, obrazovanje i zaštitu djeteta; nastavne programe i planove odgojno-obrazovnog rada za osnovno i srednje obrazovanje i odgoj; pedagoške standarde i normative prostora, opreme i nastavnih sredstava za predškolsko, osnovno i srednje obrazovanje i odgoj; obrazovanje djece palih boraca, žrtava rata i djece izbjeglica i građana Republike na privremenom boravku ili radu u inozemstvu; nostrifikaciju i ekvivalenciju inozemnih školskih svjedodžbi i diploma; stručno obrazovanje i usavršavanje nastavnika i saradnika; udžbe-

ničku literaturu za osnovno i srednje obrazovanje i odgoj; naučno-istraživački rad na unapređenju odgojno-obrazovnog rada; standarde i normative za visoko obrazovanje na diplomskom i postdiplomskom studiju; dački i studentski standard; razvoj naučno-istraživačke djelatnosti i naučno-tehnoloških informacija i komunikacija; koordiniranje naučno-istraživačkih aktivnosti; određivanje eksperata u oblasti nauke; razvoj naučno-istraživačkih organizacija; zaštitu autorskog prava i intelektualne svojine; kadrove u naučno-istraživačkim djelatnostima; zaštitu i korišćenje kulturno-historijskog naslijeđa; muzejsku, arhivsku, bibliotečku, izdavačku, pozorišnu, muzičku, likovnu, filmsku i estradnu djelatnost; djelatnost društvenih organizacija i udruženja građana u oblasti obrazovanja, nauke, kulture, tehničke kulture i sporta; način finansiranja i raspolaganja sredstvima predškolskog, osnovnog, srednjeg obrazovanja i odgoja, visokog obrazovanja, nauke, kulture, fizičke kulture i sporta; inspeksijski nadzor u odgojno-obrazovnoj, arhivskoj i oblasti zaštite kulturno-historijskoj naslijeđa.

U sastavu Ministarstva obrazovanja, nauke, kulture i sporta su Pedagoški zavod i Zavod za zaštitu kulturno-historijskog i prirodnog naslijeđa.

Pedagoški zavod vrši poslove unapređivanja odgojno-obrazovnog rada i druge stručne poslove utvrđene zakonom.

Zavod za zaštitu kulturno-historijskog i prirodnog naslijeđa; praćenje i proučavanje stanja u oblasti zaštite i korišćenja kulturno-historijskog i prirodnog naslijeđa i naučno-istraživački rad u oblasti zaštite kulturno-historijskog i prirodnog naslijeđa.

2. Državne uprave i državne upravne organizacije

Član 17.

Državne uprave i državne upravne organizacije su:

1. Državna uprava za pitanja boraca i invalida domovinskog rata,
2. Državna direkcija robnih rezervi,
3. Državni zavod za statistiku,
4. Državni meteorološki zavod,
5. Državni arhiv,
6. Državni zavod za programiranje razvoja,

Član 18.

Državna uprava za pitanja boraca i invalida domovinskog rata vrši upravne i druge stručne poslove koji se odnose na zaštitu boraca pripadnika Oružanih snaga i boraca drugih oslobođilačkih ratova i učesnika oslobođilačkih pokreta; zaštitu ratnih i mirnodopskih vojnih invalida; zaštitu članova obitelji poginulih, nestalih ili umrlih boraca kao i umrlih ratnih i mirnodopskih vojnih invalida; ostvarivanje prava na izuzetnu invalidsku i izuzetnu obiteljsku penziju; pravo na zdravstvenu zaštitu; pravo na dječiji dodatak; izgradnju, uređenje i održavanje spomen obilježja, grobalja boraca i stratišta nevinih žrtava; osiguranje i kontrolu namjenskog trošenja sredstava i vođenje propisanih evidencija iz nadležnosti ove uprave.

Član 19.

Državna direkcija robnih rezervi vrši stručne i druge poslove koji se odnose na: nabavku, razmještaj, zadržavanje, čuvanje i korišćenje državnih robnih rezervi; provođenje mjera radi intervencija na tržištu, bilansiranje roba za potrebe državnih rezervi i saradnju sa organima za robne rezerve u općinama i preduzećima.

Član 20.

Državni zavod za statistiku vrši stručne i druge poslove koji se odnose na statistička istraživanja u Republici, a naročito na: prikupljanje, obradu i publikovanje statističkih podataka; utvrđivanje jedinstvenih statističkih standarda; razvijanje statističkog informacionog sistema kao djela jedinstvenog sistema informiranja; organiziranje i funkcioniranje statističke službe; uvođenje i vođenje administrativnih i statističkih registara (prostornih jedinica, stanovništva, preduzeća, samostalnih radnji i dr.); evidencije propisane zakonom, razmjenjivanje statističkih podataka drugim državama i međunarodnim organizacijama proisteklih iz obaveza utvrđenih međunarodnim ugovorima.

Član 21.

Državni meteorološki zavod vrši stručne i druge poslove koji se odnose na: razvoj i funkcioniranje meteorološke, hidrološke i seizmološke djelatnosti i kvaliteta životne sredine; istraživanje atmosfere, vodnih resursa, kvaliteta životne sredine (zraka, voda i tla) i seizmoloških procesa; prikupljanje, obradivanje i objavljivanje podataka iz djelokruga rada od interesa za Republiku i vršenje drugih poslova u oblasti meteorologije, hidrologije, kvaliteta životne sredine i seizmologije.

Član 22.

Državni arhiv vrši stručne i druge poslove koji se odnose na: evidentiranje, preuzimanje, sređivanje, obradu, zaštitu i korišćenje ukupne arhivske građe i registarskog materijala; izradu metodskih uputstava, standarda i normativa za arhivsku djelatnost; razvoj arhivske djelatnosti u Republici; mjere osiguranja i zaštite arhivske građe; stručni nadzor nad čuvanjem i zaštitom registarskog materijala i arhivske građe i odabiranje arhivske građe iz registratorskog materijala; izdavanje uvjerenja, potvrda i drugih zvaničnih isprava o činjenicama i dokazima koji se nalaze u građi koju čuva; stručno usavršavanje radnika arhivske službe i naučno-istraživački i publicistički rad u arhivskoj djelatnosti i međunarodnu arhivsku saradnju.

Član 23.

Državni zavod za programiranje razvoja vrši istraživačke, stručno-analiitičke i druge poslove iz domena programiranja razvoja koji se odnose na: analizu faktora i mogućnosti privrednog razvoja i njihovu prezentaciju na domaćem i stranom tržištu; kreiranje strategije i programa razvoja i razradu mjera razvojne i ekonomske politike; analizu i programiranje unapređivanja strukturnih odnosa u privrednom i društvenom razvoju (sektorsko, vlasničko, organizaciono i drugi oblici strukturnih odnosa); programiranje korišćenja, valorizacije i zaštite prirodnih resursa i mjera za njihovo ostvarivanje; izradu makroekonomskih bilansa, proporcija i globalnih agregata rasta; izradu materijalnih bilansa zemlje; analiziranje odnosa u oblasti raspodjele; izradu potrebnih analiza, informacija i drugih publikacija o realizaciji programiranog razvoja; izradu redovnih publikacija o privrednoj konjunkturi; praćenje i analizu razvoja po oblastima i granama privrede; koncipiranje programa naučno-istraživačkog rada od značaja za privredni razvoj i ekonomsku politiku; programiranje razvoja društvenih djelatnosti u skladu sa strategijom privrednog razvoja; regionalni razvoj i sistem njegovog podsticanja; saradnju sa institucijama koje se bave pitanjima razvoja u zemlji i inozemstvu.

III - RUKOVODENJE MINISTARSTVIMA, DRŽAVNIM UPRAVAMA I DRŽAVNIM UPRAVNIM ORGANIZACIJAMA

1. Rukovođenje ministarstvom

Član 24.

Ministarstvom rukovodi ministar.
Ministra imenuje i razrješava Skupština Republike na prijedlog Predsjednika Vlade Republike.

Član 25.

Zamjenik ministra pomaže ministru u izvršavanju njegovih nadležnosti.

Zamjenik ministra i ministar ne mogu biti iz istog konstitutivnog naroda.

Zamjenik ministra imenuje se na isti način kao i ministar.

Član 26.

U rukovođenju pojedinim područjima ministru pomažu rukovodeći radnici.

U ministarstvu se mogu postavljati: sekretar ministarstva, pomoćnici ministra, glavni republički inspektor, savjetnici ministra i direktori uprava i upravnih organizacija u sastavu ministarstva.

U Ministarstvu vanjskih poslova - Ministarstvu inozemnih poslova mogu se postavljati ambasadori.

Član 27.

Sekretar ministarstva neposredno rukovodi složenijim poslovima u jednoj ili više oblasti rada ili sa više organizacionih jedinica i vrši druge poslove koje mu odredi ministar.

Pomoćnik ministra neposredno rukovodi određenim područjem rada ili određenom organizacionom jedinicom i vrši druge poslove koje mu odredi ministar.

Glavni republički inspektor neposredno organizira i rukovodi radom republičkih inspektora u određenoj oblasti inspeksijskog nadzora iz nadležnosti republičkog organa uprave.

Savjetnik ministra postavlja se za vršenje poslova koji zahtijevaju posebnu stručnost i samostalnost u radu.

Ambasadori u Ministarstvu vanjskih poslova - Ministarstvu inozemnih poslova postavljaju se za samostalno vršenje poslova koji zahtijevaju posebnu stručnost i samostalnost u radu.

Direktor uprave i upravne organizacije u sastavu ministarstva rukovodi upravom i upravnom organizacijom u sastavu ministarstva.

Član 28.

Pravilnikom o unutrašnjoj organizaciji ministarstva utvrđuje se broj rukovodećih radnika, poslovi koje vrše rukovodeći radnici i njihova ovlašćenja u vršenju službe.

Sekretara ministarstva, pomoćnike ministra, glavnog republičkog inspektora i direktore uprava i upravnih organizacija u sastavu ministarstva postavlja Vlada Republike, na usaglašen prijedlog predsjednika i zamjenika predsjednika Vlade Republike.

Ostale rukovodeće radnike i radnike sa posebnim ovlašćenjima postavlja ministar, uz saglasnost zamjenika ministra.

2. Rukovođenje državnom upravom i državnom upravnom organizacijom

Član 29.

Državnom upravom i državnom upravnom organizacijom rukovodi direktor.

Direktora iz stava 1. ovog člana postavlja Vlada Republike na usaglašen prijedlog predsjednika i zamjenika predsjednika Vlade Republike.

Član 30.

U državnoj upravi i državnoj upravnoj organizaciji mogu se postavljati, u skladu sa pravilnikom o unutrašnjoj organizaciji, jedan ili više pomoćnika direktora.

Pomoćnike direktora postavlja i razrješava direktor.

Član 31.

Odredbe Zakona o državnoj upravi - Novi prečišćeni tekst ("Službeni list RBiH", broj 26/93) o odgovornosti funkcionera koji rukovodi organom uprave, shodno se primjenjuju na odgovornost sekretara ministarstva.

IV - PRIJELAZNE I ZAVRŠNE ODREDBE

Član 32.

Pored poslova iz djelokruga utvrđenog ovim zakonom ministarstva i drugi organi državne uprave Republike, u funkciji organa uprave Federacije u smislu člana 2. ovog zakona, do konstituiranja kantona vrše i poslove iz nadležnosti kantona.

Član 33.

Dana 22. juna 1994. godine ukidaju se i prestaju da rade:

1. Ministarstvo namjenske proizvodnje,
2. Ministarstvo privrede,
3. Ministarstvo obnove, izgradnje, okolice, saobraćaja i veza,
4. Ministarstvo vanjske trgovine i
5. Ministarstvo informacija.

Član 34.

Dana 23. juna 1994. godine počinju da rade sa položajem i djelokrugom utvrđenim ovim Zakonom:

1. Ministarstvo energetike i industrije,
2. Ministarstvo prometa i komunikacija,
3. Ministarstvo prostornog uređenja, resursa i zaštite okolice,

4. Ministarstvo trgovine,
5. Državna uprava za pitanja boraca i invalida domovinskog rata,
6. Državna direkcija robnih rezervi.

Član 35.

Dana 23. juna 1994. godine nastavljaju da rade sa djelokrugom utvrđenim ovim zakonom:

1. Ministarstvo odbrane kao Ministarstvo odbrane - Ministarstvo obrane,
2. Ministarstvo unutrašnjih poslova kao Ministarstvo unutrašnjih poslova - Ministarstvo unutarnjih poslova,
3. Ministarstvo vanjskih poslova kao Ministarstvo vanjskih poslova - Ministarstvo inozemnih poslova,
4. Ministarstvo finansija kao Ministarstvo finansija - Ministarstvo finansija,
5. Ministarstvo pravosuđa i uprave kao Ministarstvo pravde,
6. Ministarstvo za izbjeglice, rad i socijalnu zaštitu kao Ministarstvo za izbjeglice i socijalnu politiku,
7. Ministarstvo zdravstva,
8. Ministarstvo obrazovanja, nauke, kulture i sporta kao Ministarstvo obrazovanja, nauke i kulture,
9. Državni zavod za statistiku,
10. Državni hidrometeorološki zavod kao Državni meteorološki zavod,
11. Državni arhiv,
12. Državni zavod za programiranje razvoja.

Član 36.

Dana 23. juna 1994. godine nastavljaju sa radom sa djelokrugom i statusom utvrđenim ovim zakonom:

1. Zavod za međunarodnu, naučnu, tehničku, obrazovnu i kulturnu saradnju,
2. Uprava prihoda,
3. Uprava carina,
4. Uprava za geodetske i imovinsko-pravne poslove,
5. Zavod za javnu upravu,
6. Zavod za standardizaciju, mjeriteljstvo i patente,
7. Zavod za geološka istraživanja,
8. Direkcija civilne avijacije,
9. Direkcija telekomunikacija,
10. Direkcija puteva kao Direkcija cesta,
11. Pedagoški zavod,
12. Zavod za zaštitu kulturno-historijskog i prirodnog naslijeđa.

Član 37.

Poslove ukinutih ministarstava i upravnih organizacija u sastavu ministarstava iz člana 33. ovog Zakona preuzimaju, u skladu sa djelokrugom utvrđenim ovim zakonom, slijedeća ministarstva:

1. Ministarstvo energetike i industrije - poslove Ministarstva privrede koji se odnose na energetiku, industriju i iskorištavanje prirodnih bogatstava; poslove Ministarstva namjenske proizvodnje kao i poslove Ministarstva obnove, izgradnje, okolice, saobraćaja i veza koji se odnose na građevinarstvo i pogonsku proizvodnju građevinskih materijala;
2. Ministarstvo prostornog uređenja, resursa i zaštite okoline - poslove Ministarstva obnove, izgradnje, okolice, saobraćaja i veza koji se odnose na oblasti obnove, izgradnje i okolice i poslove Direkcije voda;
3. Ministarstvo prometa i komunikacija - poslove Ministarstva obnove, izgradnje, okolice, saobraćaja i veza koji se odnose na oblast saobraćaja i veza;
4. Ministarstvo trgovine - poslove Ministarstva vanjske trgovine i poslove Ministarstva privrede koji se odnose na unutrašnju trgovinu.
5. Ministarstvo obrazovanja, nauke i kulture - poslove Ministarstva informisanja;
6. Državna uprava za pitanje boraca i vojnih invalida - poslove Uprave za boračko-invalidsku zaštitu;

7. Državna direkcija robnih rezervi - poslove Direkcije robnih rezervi.

Član 38.

Ministar kojem je prestala dužnost zbog ukidanja ministarstva u skladu sa članom 33. ovog zakona, odnosno zbog imenovanja novog ministra razriješava se dužnosti stupanjem na snagu ovog zakona, odnosno danom imenovanja novog ministra.

Član 39.

Sekretar ministarstva, direktor državne upravne organizacije, pomoćnik ministra - direktor upravne organizacije u sastavu ministarstva, i ostali rukovodeći radnici razriješavaju se dužnosti danom imenovanja rukovodećih radnika u skladu sa odredbama ovog zakona.

Član 40.

Ako razriješeni ministar ne bude mogao ostvariti pravo da se vrati na poslove i zadatke koje je ranije obavljao raspoređuje se na druge poslove i zadatke u istom ili drugom organu uprave u roku od 30 dana od dana prestanka funkcije.

Ako funkcioner iz stava 1. ovog člana ne prihvati raspored na poslove i zadatke prestaje mu radni odnos.

Ako u roku od dva mjeseca od dana prestanka funkcije nije moguće izvršiti raspored u smislu stava 1. ovog člana, razriješenom ministru prestaje radni odnos u roku od tri mjeseca od dana prestanka funkcije.

Na rukovodeće radnike koji su razriješeni dužnosti shodno se primjenjuju odredbe st. 2. i 3. ovog člana.

Član 41.

Ministarstva i drugi organi državne uprave iz čl. 34. i 35. ovog zakona preuzimaju radnike ministarstava iz člana 33. koji su se na dan stupanja na snagu ovog zakona zatekli u radnom odnosu kod tih ministarstava.

Član 42.

Oprema, inventar i druge stvari, arhiva, akti, predmeti i druga dokumentacija i sredstva za rad ukinutih ministarstava iz člana 33. ovog zakona raspoređuju se na ministarstva iz člana 35. ovog zakona, istovremeno sa preuzimanjem poslova i radnika ukinutih ministarstava.

Član 43.

Oprema, inventar i druge stvari, kao i sredstva za rad upravnih organizacija koje nastavljaju da rade u sastavu ministarstava, raspoređuju se na ministarstva u čijem sastavu nastavlja da rade.

Član 44.

Primopredaja akata, predmeta, druge dokumentacije i arhive ministarstava i upravnih organizacija iz čl. 41. i 42. ovog zakona izvršit će se u skladu sa Uputstvom o postupku primopredaje službenih akata, između ukinutih i novoobrazovanih organa uprave ("Službeni list SR BiH", broj 43/90).

Rješenje o raspoređivanju opreme, inventara i drugih stvari, arhive i dokumentacije, kao i službenih prostorija donosi Vlada na prijedlog Ministarstva pravde i Službe za zajedničke poslove republičkih organa.

Član 45.

Funkcioneri koji rukovode ministarstvima i drugim organima državne uprave donijet će, odnosno uskladit će sa odredbama ovog zakona pravilnike o unutrašnjoj organizaciji, u roku od 15 dana od dana stupanja na snagu ovog zakona.

Funkcioneri koji rukovode ministarstvima i drugim organima državne uprave donijet će rješenja o raspoređivanju radnika na poslove i zadatke i o prestanku radnog odnosa u roku od 15 dana od dana donošenja pravilnika o unutrašnjoj organizaciji.

Član 46.

Danom stupanja na snagu ovog zakona prestaje da važi Uredba sa zakonskom snagom o ministarstvima i drugim organima državne uprave ("Službeni list RBiH", broj 25/93).

Član 47.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

293

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O PRIMJENI
ZAKONA O UNUTRAŠNjim POSLOVIMA

Proglašava se Zakon o primjeni Zakona o unutrašnjim poslovima, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1668/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O PRIMJENI ZAKONA O UNUTRAŠNjim
POSLOVIMA

Član 1.

Zakon o unutrašnjim poslovima ("Službeni list SRBiH", broj 18/90 i "Službeni list RBiH", br. 14/92 i 11/93 - u daljem tekstu: Zakon) primjenjuje se za vrijeme ratnog stanja, ako ovim zakonom nije drugačije propisano.

Član 2.

Radi efikasnijeg izvršavanja poslova ili iz drugih razloga izazvanih ratnim okolnostima, ministar unutrašnjih poslova (u daljem tekstu: ministar) svojim aktom može odlučiti o prenošenju zakonom utvrđenih poslova i zadataka sa jedne na drugu organizacionu jedinicu istog organizacionog stepena, kao i o prenošenju zakonom utvrđenih poslova i zadataka iz nadležnosti organizacione jedinice nižeg na organizacionu jedinicu višeg stepena, u okviru djelokruga Ministarstva.

Odredba stava 1. ovog člana shodno se primjenjuje i na zakonom utvrđene nadležnosti Ministarstva u sjedištu.

Član 3.

Ako propisom o obrazovanju nove opštine nije drukčije utvrđeno, ministar svojim aktom određuje centar službi bezbjednosti u čije područje se uključuje nova opština i stanica javne bezbjednosti za područje te opštine.

Član 4.

Odredbe Zakona, Zakona o državnoj upravi - Novi prečišćeni tekst ("Službeni list RBiH", broj 26/93) i ovog zakona, koji reguliše odnose republičkih organa prema opštinskim organima uprave, shodno se primjenjuju na međusobne odnose, prava i dužnosti Ministarstva i organa okruga ukoliko Zakonom o obrazovanju i radu okruga ("Službeni list RBiH", br. 12/92, 14/92, 21/92 i 9/93) nije drugačije propisano.

Član 5.

Za vršenje poslova i zadataka iz člana 16. stav 1. Zakona u stanici javne bezbjednosti obrazuje se najmanje jedna, a po potrebi i više policijskih stanica kao unutrašnjih organizacionih jedinica, a mogu se obrazovati i druge organizacione jedinice za obavljanje poslova Policije.

Član 6.

Ministar može odlučiti da se jedinice policije iz člana 36. Zakona obrazuju i u centrima službi bezbjednosti. Starješine jedinica iz stava 1. ovog člana postavlja i razrješava ministar.

Član 7.

Propise koje na osnovu zakona donose skupštine opština u oblasti unutrašnjih poslova, stanice javne bezbjednosti izvršit će na osnovu uputstava koje donosi ministar.

Ako ministar uputstvom naloži stanici javne bezbjednosti da ne izvršava propise iz stava 1. ovog člana, obaveza je Ministarstva da u skladu sa važećim propisima predloži Vladi donošenje odluke o obustavi izvršenja tih propisa.

Član 8.

Kad interes odbrane ili zaštite javnog poretka zahtijevaju, ministar može naredbom da za određeno vrijeme ograniči ili zabrani kretanje ili okupljanje licima na određenom javnom mjestu ili području, odnosno teritoriji Republike ili da rješenjem naredi licima, čija je djelatnost usmjerena ili postoji osnovana sumnja da bi mogla biti usmjerena na ugrožavanje odbrane ili javnog poretka, boravak u određenom mjestu ili zabrani napuštanje određenog mjesta sa obavezom javljanja organizacionoj jedinici Ministarstva određenoj tim rješenjem. Ove mjere mogu trajati dok postoje okolnosti zbog kojih su preduzete.

Prije donošenja naredbe iz stava 1. ovog člana ministar je dužan o tome obavijestiti Vladu.

Protiv rješenja iz stava 1. ovog člana može se izjaviti žalba Vladi u roku od osam dana od dana prijema rješenja. Žalba ne odlaže izvršenje rješenja.

Član 9.

Kada je to neophodno radi vođenja krivičnog postupka ili radi bezbjednosti ljudi u izvršenju poslova iz svoje nadležnosti, nadležna organizaciona jedinica Ministarstva može odrediti da se određeno lice zadrži do tri dana, na način i po postupku predviđenim zakonom.

U slučaju iz stava 1. ovog člana, a ako to interesi bezbjednosti zahtijevaju, o zadržavanju lica ne moraju se obavijestiti članovi porodice zadržanog lica.

Član 10.

Pri vršenju poslova i zadataka ovlašćena službena lica smiju upotrijebiti vatreno oružje i u slučaju ako drukčije ne mogu spriječiti bjekstvo lica zatečenog u vršenju krivičnog djela koje se goni po službenoj dužnosti, lica lišenog slobode i lica za koje je izdat nalog za lišenje slobode.

Član 11.

Rukovođenje u Ministarstvu zasniva se na načelima jedinstvenog rukovođenja izvršavanjem poslova iz djelokruga Ministarstva i odlučivanja o usmjeravanju rada i upotrebi snaga i sredstava Službe državne bezbjednosti i Policije, kao i obavezno izvršavanja odluka, naređenja i rješenja pretpostavljenog rukovodioca, odnosno starješine.

Ako radnik ili pripadnik rezervnog sastava smatra da je primio nezakonito naređenje, dužan je o tome odmah obavijestiti rukovodioca koji je to naređenje izdao, nakon čega je obaveza da pristupi izvršavanju naređenja.

Član 12.

Radnik i pripadnik rezervnog sastava Ministarstva disciplinski odgovara za povrede radne dužnosti koje učini svojom krivicom.

Član 13.

Pripadnicima aktivnog i rezervnog sastava Policije, Službe državne bezbjednosti, kao i drugim ovlašćenim službenim licima, pored disciplinskih mjera utvrđenih Zakonom o državnoj upravi, za povrede radne dužnosti koje su izvršene pri vršenju dužnosti u funkciji Oružanih snaga mogu se izreći i sljedeće disciplinske mjere:

- prekovredna služba do tri smjene;
- zabrana izlaska do sedam dana iz objekta ili kruga u kome je smještena jedinica policije ili policijska stanica;
- pritvor u trajanju do 30 dana.

Mjera prekovredne službe i zabrane izlaska, kao i pritvora u trajanju do sedam dana izriču se za lakše povrede radne dužnosti, a mjera pritvora u trajanju od sedam do 30 dana za teže povrede radne dužnosti.

Član 14.

Ministar će Pravilnikom o disciplinskoj odgovornosti propisati naročito:

- vrste povreda radne dužnosti,
- način pokretanja i vođenja disciplinskog postupka,
- ovlaštenje za odlučivanje o disciplinskoj odgovornosti i po prigovorima na izrečene mjere,
- način izvršenja izrečenih disciplinskih mjera,
- uslove i postupak smanjenja i ublažavanja pravosnažne disciplinske mjere, i
- sadržaj i način vođenja evidencija o izrečenim disciplinskim mjerama.

Član 15.

Ministar može aktom iz svoje nadležnosti utvrditi da se zakonske odredbe o uniformi, opremi, naoružanju, službenim ispravama i disciplinskoj odgovornosti koje se odnose na policiju, shodno primjenjuju i na druge radnike i pripadnike rezervnog sastava Ministarstva, koje odredi ministar.

Član 16.

Za vrijeme ratnog stanja može se na radno mjesto u Ministarstvu rasporediti i radnik koji ne ispunjava propisane uslove u pogledu školske spremne.

Član 17.

Prigovor podnesen na rješenje kojim se odlučuje o pravima, obavezama i odgovornosti radnika i pripadnika rezervnog sastava ne odlaže izvršenje rješenja, osim u slučaju prigovora na rješenje o prestanku radnog odnosa.

Član 18.

Ovlašćenom službenom licu prestaje radni odnos:

1. ako vrši profesionalnu funkciju u političkoj organizaciji-istekom roka od sedam dana nakon što je pozvan da se izjasni o daljem vršenju funkcije u političkoj organizaciji, i
2. ako prestane ispunjavati posebne uslove na osnovu kojih je zasnovao radni odnos-danom uručenja rješenja.

Radniku prestaje radni odnos bez njegove saglasnosti:

1. ako odbije da radi na poslovima i zadacima na koje je raspoređen;
2. ako odbije da izvrši naređenje, izdato radi vršenja poslova i zadataka iz nadležnosti Ministarstva;
3. ako se utvrdi da radi u drugom organu, preduzeću ili drugom pravnom licu ili da obavlja djelatnost u vidu dopunskog zanimanja ličnim radom, odnosno ličnim radom i sredstvima u svojini građana i drugim oblicima svojine, i
4. ako se utvrdi da svojim radom, stručnim i drugim sposobnostima ne može odgovarati zahtjevima izvršavanja poslova i zadataka na koje je raspoređen ili ako ne ostvaruje predviđene rezultate rada.

U slučaju iz stava 2. ovog člana radniku prestaje radni odnos danom uručenja rješenja o prestanku radnog odnosa.

Član 19.

Svršeni učenik Srednje policijske škole ili polaznik kursa za policajce koji sa uspjehom završi kurs, zasniva radni odnos i raspoređuje se na određene poslove i zadatke.

Učenici Srednje policijske škole koji su navršili 18 godina života i za vrijeme ratnog stanja prekinuli školovanje zbog raspoređivanja u stanice i jedinice policije, mogu nastaviti školovanje u toj školi uz rad.

Član 20.

Poslove iz stava 1. člana 93. Zakona mogu obavljati zdravstvene organizacije koje na prijedlog centra službi bezbjednosti odredi ministar.

Član 21.

Postupak i uslove za prijem lica na kurs za policajce propisuje ministar.

Član 22.

Radniku Ministarstva koji nije navršio 60 godina života, a koji je po opštim ili posebnim propisima ispunio uslove za ostvarivanje prava na penziju, može se produžiti radni odnos za vrijeme trajanja ratnog stanja, ako to zahtjeva potreba službe.

Član 23.

Radnici i pripadnici rezervnog sastava Službe državne bezbjednosti i Policije, mogu, ako je to za njih povoljnije, ostvarivati pravo na izuzetnu penziju po propisima po kojima to pravo ostvaruju pripadnici oružanih snaga.

Član 24.

Odredbe čl. 20, 24, 25. stav 2., čl. 27, 30, 43, 51, 92a, 95, 101, 115, 117, 118, 119, 121, 123, 124. stav 2., 124a, 124b, 124c, 124d. i 124e. Zakona ne primjenjuju se.

Član 25.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

294

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA
ZAKONA O EKSPROPRIJACIJI

Prolašava se Zakon o izmjenama Zakona o eksproprijaciji, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1669/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA ZAKONA O EKSPROPRIJACIJI

Član 1.

U Zakonu o eksproprijaciji - Prečišćeni tekst ("Službeni list SRBiH", br. 12/87 i 38/89), u članu 32. stav 7. iza riječi "radove" zarez se zamjenjuje tačkom, a ostali dio teksta briše se.

Član 2.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

295

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I
DOPUNAMA ZAKONA O RADIO-TELEVIZIJI BOSNE
I HERCEGOVINE

Prolašava se Zakon o izmjenama i dopunama Zakona o Radio-televiziji Bosne i Hercegovine, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1670/94
22. juna 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON**O IZMJENAMA I DOPUNAMA ZAKONA O RADIO-TELEVIZIJI BOSNE I HERCEGOVINE****Član 1.**

U Zakonu o radio-televiziji Bosne i Hercegovine ("Službeni list SRBiH", br. 21/90, 10/91 i 24/91 i "Službeni list RBiH", broj 4/92), iza člana 1. dodaje se novi član 1a., koji glasi:

"Član 1a.

Zakon o javnim preduzećima ("Službeni list RBiH", br. 4/92, 21/92 i 13/94) primjenjuje se i na RTV BiH, ako ovim zakonom nije drugačije regulisano."

Član 2.

U članu 2. u stavu 2. u alinejama 1. i 3. iza riječi "Hercegovina" briše se zarez i riječ "Jugoslaviji".

U alineji 2. iza riječi "Hercegovini" stavlja se tačka i zarez, a riječi: "i Jugoslaviji" brišu se.

U alineji 4. riječi: "u Jugoslaviji", brišu se.

Član 3.

U članu 6. riječi: "drugih dijelova Jugoslavije", zamjenjuju se riječima: "Republike Bosne i Hercegovine".

Član 4.

Član 7. stav 1. mijenja se i glasi:

"Programi RTV BiH pripremaju se na jeziku koji je u službenoj upotrebi u Republici Bosni i Hercegovini i na jezicima u službenoj upotrebi u Federaciji Bosne i Hercegovine."

Član 5.

Član 9. mijenja se i glasi:

"RTV BiH može da se udružuje u složene oblike organiziranja u svijetu putem kojih ostvaruje svoje obaveze u komunikacionom prostoru, razvija međunarodnu saradnju i zadovoljava druge produkcijske, poslovne i tehničko-tehnološke interese."

Član 6.

U članu 11. u tački 3. iza riječi "javnosti," dodaje se riječ "izbjeglicama,".

Član 7.

Član 13. mijenja se i glasi:

"Radi ostvarivanja uticaja javnosti na utvrđivanje programsko-uredivačke politike obrazuje se Programsko vijeće RTV BiH.

Programsko vijeće ima 21 člana.

Članove programskog vijeća imenuje Skupština RBiH iz reda svojih poslanika, istaknutih predstavnika obrazovnih, naučnih, kulturnih institucija, vjerskog života, profesionalnih udruženja i političkih stranaka.

Članovi Programskog vijeća biraju se na period od četiri godine."

Član 8.

Član 14. mijenja se i glasi:

"Programsko vijeće RTV BiH:

- donosi programski, jezički i ekonomsko-propagandni kodeksi i prati njihovu realizaciju;
- utvrđuje osnovne programske principe, tematsku usmjerenost i strukturu programa Radija i Televizije na I i II mreži;
- vodi brigu o provođenju i zaštiti zakonitosti u realizaciji programa."

Član 9.

Iza člana 14. dodaju se novi čl. 14a. i 14b., koji glase:

"Član 14a.

Rad Programskog vijeća RTV BiH uređuje se Poslovníkom o radu.

Član 14b.

Organ upravljanja RTV BiH je upravni odbor.

Upravni odbor ima devet članova, od kojih pet članova imenuje Skupština RBiH, a četiri člana RTV BiH.

Sastav, način imenovanja članova, trajanja mandata i način rada upravnog odbora uređuje se statutom RTV BiH."

Član 10.

Član 15. mijenja se i glasi:

"Direktora RTV BiH imenuje i razrješava upravni odbor, na osnovu javnog natječaja, uz saglasnost Skupštine RBiH.

Glavne i odgovorne urednike javnih glasila iz člana 3. Zakona o Radio-televiziji Bosne i Hercegovine imenuje i razrješava upravni odbor RTV BiH, na osnovu javnog natječaja, uz saglasnost Vlade Republike Bosne i Hercegovine."

Član 11.

Iza člana 15. dodaje se novi član 15a., koji glasi:

"Član 15a.

Izuzetno, za vrijeme ratnog stanja ili neposredne ratne opasnosti, direktora, glavne i odgovorne urednike i upravni odbor RTV BiH imenuje i razrješava Skupština RBiH."

Član 12.

U članu 33. riječi: "kao članica Jugoslovenske radio-televizije," brišu se, a iza riječi "inostranim" dodaje se riječ "satelitskim".

Član 13.

U članu 36. u stavu 1., u članu 37. u stavu 1. i u članu 38. u stavu 1. iza riječi "se" dodaju se riječi: "za prekršaj".

Član 14.

U članu 36. u stavu 1. riječi: "od 10.000 do 20.000 dinara" zamjenjuju se riječima: "od 50 do 250 DEM, u dinarskoj protuvrijednosti po srednjem kursu koji utvrđuje i objavljuje Narodna banka Bosne i Hercegovine (u daljem tekstu: Narodna banka)".

U stavu 2. riječi: "od 3.000 do 5.000 dinara" zamjenjuju se riječima: "od 20 do 100 DEM, u dinarskoj protuvrijednosti po srednjem kursu koji utvrđuje i objavljuje Narodna banka".

Član 15.

U članu 37. u stavu 1. riječi: "od 2.000 do 6.000 dinara" zamjenjuju se riječima: "od 10 do 80 DEM, u dinarskoj protuvrijednosti po srednjem kursu koji utvrđuje i objavljuje Narodna banka".

U st. 2. i 3. riječi: "od 600 do 3.000 dinara" zamjenjuju se riječima: "od 6 do 40 DEM, u dinarskoj protuvrijednosti po srednjem kursu koji utvrđuje i objavljuje Narodna banka".

Član 16.

U članu 38. u stavu 1. riječi: "od 1.000 do 5.000 dinara" zamjenjuju se riječima: "od 8 do 40 DEM, u dinarskoj protuvrijednosti po srednjem kursu koji utvrđuje i objavljuje Narodna banka".

U st. 2. i 3. riječi: "od 500 do 2.500 dinara" zamjenjuju se riječima: "od 4 do 30 DEM, u dinarskoj protuvrijednosti po srednjem kursu koji utvrđuje i objavljuje Narodna banka".

Član 17.

U članu 1. riječi "Socijalistička Republika Bosna i Hercegovina (u daljem tekstu: Republika)" u različitom padežu zamjenjuju se riječima: "Republika Bosna i Hercegovina (u daljem tekstu: Republika)" u odgovarajućem padežu.

U čl. 1., 3., članu 10. u stavu 1., čl. 11., 12., u članu 15. u stavu 2., u članu 30. u stavu 1. i u članu 39. u stavu 2. riječi: "Skupština Socijalističke Republike Bosne i Hercegovine (u daljem tekstu: Skupština SRBiH)" u različitom padežu zamjenjuju se riječima: "Skupština Republike Bosne i Hercegovine (u daljem tekstu: Skupština RBiH)" u odgovarajućem padežu.

Član 18.

RTV BiH dužna je uskladiti svoje akte sa odredbama ovog zakona i odredbama Zakona o javnim preduzećima, u roku od tri mjeseca od dana stupanja na snagu ovog zakona.

Član 19.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

296

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I DOPUNAMA ZAKONA O DRŽAVLJANSTVU REPUBLIKE BOSNE I HERCEGOVINE

Proglašava se Zakon o izmjenama i dopunama Zakona o državljanstvu Republike Bosne i Hercegovine, koji je donijela Skupština Republike Bosne i Hercegovine, na sjednici Skupštine od 22. juna 1994. godine.

PR broj 1671/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA I DOPUNAMA ZAKONA O DRŽAVLJANSTVU REPUBLIKE BOSNE I HERCEGOVINE

Član 1.

U Zakonu o državljanstvu Republike Bosne i Hercegovine ("Službeni list RBiH", br. 18/92, 11/93, 27/93 i 13/94) u članu 8. stav 5. briše se.

Član 2.

U članu 15. stav 3. briše se.

Član 3.

U članu 24. iza stava 3. dodaju se novi st. 4. i 5. koji glase: "Evidenciju iz stava 2. ovog člana vodi matičar po mjestu prebivališta lica koje se upisuje u tu evidenciju.

U matičnu knjigu rođenih, činjenica državljanstva RBiH može se upisati bez posebnog rješenja, na osnovu uvjerenja o državljanstvu ili ako matičar, odnosno ovlašćeni radnik u diplomatskom ili konzularnom predstavništvu Republike utvrdi da je određeno lice prema odredbama čl. 4., 5., 6. i 29. ovog zakona državljanin Republike."

Član 4.

U članu 25. u stavu 1. iza riječi "rođenih" tačka se briše i dodaju riječi: "i knjiga državljana Republike."

Član 5.

U članu 36. iza stava 1. dodaje se novi stav 2. koji glasi: "Izuzetno od stava 1. ovog člana, otpust iz državljanstva RBiH može se dati licu koje, osim uvjeta iz čl. 15. i 17. ovog zakona ispunjava i sljedeće uvjete:

- 1) da se na dan 8. aprila 1992. godine nalazilo u inozemstvu;
- 2) da nije vojni obveznik ili da je stariji od 50 godina (muškarac), odnosno 45 godina (žena), ako je neprekidno boravilo u inozemstvu duže od 15 godina, odnosno duže od 10 godina ako je u braku sa stranim državljaninom."

Član 6.

Iza člana 37. dodaje se novi član 37a. koji glasi:

"Član 37a.

Činjenica državljanstva RBiH za lice iz člana 24. stav 2. ovog zakona, čije se prebivalište nalazi na okupiranom području Republike ili upis te činjenice da nije moguće izvršiti zbog nemogućnosti komuniciranja, privremeno će se evidentirati u stanici javne bezbjednosti po mjestu boravišta lica."

Član 7.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

297

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O DOPUNI ZAKONA O PUTNIM ISPRAVAMA DRŽAVLJANA REPUBLIKE BOSNE I HERCEGOVINE

Proglašava se Zakon o dopuni Zakona o putnim ispravama državljana Republike Bosne i Hercegovine, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1672/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O DOPUNI ZAKONA O PUTNIM ISPRAVAMA DRŽAVLJANA REPUBLIKE BOSNE I HERCEGOVINE

Član 1.

U Zakonu o putnim ispravama državljana Republike Bosne i Hercegovine ("Službeni list RBiH", br. 4/92, 17/93 i 13/94) u članu 49b. tačka se briše i dodaju riječi: "s tim što se taj rok može produžiti za još dvije godine."

Iza stava 1. dodaje se novi stav 2. koji glasi:

"Postupak produženja iz stava 1. ovog člana vodit će se na način utvrđen za izdavanje putne isprave."

Član 2.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

298

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O UVOZU, CARINI I POREZU NA PROMET PRI UVOZU ODREĐENIH PROIZVODA

Proglašava se Zakon o uvozu, carini i porezu na promet pri uvozu određenih proizvoda, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1673/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O UVOZU, CARINI I POREZU NA PROMET PRI UVOZU ODREĐENIH PROIZVODA

Član 1.

Ovim zakonom uređuje se uvoz, carina i porez na promet pri uvozu za:

- naftu i naftne derivate;
- duhan i duhanske preradevine;
- alkoholna pića, osvježavajuća bezalkoholna pića, mineralne i gazirane vode (u daljem tekstu: alkoholna i bezalkoholna pića),
- kava sirova, pržena, mljevena i ekstrakt (u daljem tekstu: kava).

Član 2.

Uvoz proizvoda, iz člana 1. ovog zakona, mogu obavljati pravna lica samo uz odobrenje nadležnog republičkog organa.

Član 3.

Pri uvozu proizvoda, iz člana 1. ovog zakona, plaća se carina, carinske dažbine (u daljem tekstu: carina) i porez na promet proizvoda, na način propisan ovim zakonom.

Obveznik carine i poreza, iz stava 1. ovog člana, je uvoznik nafte i naftnih derivata, duhana i duhanskih preradevina, alkoholnih i bezalkoholnih pića i kahve.

Carina i porez na promet, iz stava 1. ovog člana, su prihod republičkog budžeta.

Član 4.

Carina se plaća na proizvode iz Zakona o carinskoj tarifi ("Službeni list RBiH", br. 2/92 i 13/94), na carinsku osnovicu po slijedećim stopama:

pos.	stopa	den.	car. daž.	- u % - car. evi
Glava 9: kahva - sirova, pržena, mljevena, zamjene				
tar. oznake: 0901.11, 0901.12, 0901.21, 0901.22, 0901.30	sl.	1	5	
tar. oznake: 090.40	4	1	5	
Glava 20: Voćni sokovi i sokovi od povrća:				
tar. oznake: 2009.11, 2009.191, 2009.192, 2009.199, 2009.20, 2009.301, 2009.302, 2009.303, 2009.309, 2009.40, 2009.50, 2009.60, 2009.70, 2009.801, 2009.802, 2009.809, 2009.90	4	1	5	
Glava 21: Ekstrakti, esencije i koncentрати kahve				
tar. oznake: 2101.101, 2101.1091, 2101.1099	4	1	5	
Glava 21: Baze od citrus voća i od ostalih agruma				
tar. oznake: 2106.901 i 2106.902	6	1	5	
Glava 22: Alkoholna i bezalkoholna pića:				
tar. oznake: 2201.10 i 2202.10	3	1	5	
tar. oznake: 2203.00	5	1	5	
tar. oznake: 2204.101, 2204.109, 2204.211, 2204.2121, 2204.2129, 2204.219, 2204.291, 2204.2921, 2204.2929, 2204.293, 2204.299, 2204.30, 2205.101, 2205.109 i 2205.90	10	1	5	
tar. oznake: 2206.001, 2206.002, 2206.003, 2206.004 i 2206.009	8	1	5	
tar. oznake: 2208.10, 2208.201, 2208.202, 2208.209, 2208.30, 2208.40, 2208.50, 2208.901, 2208.902 i 2208.909	10	1	5	
Glava 24: Duhan i preradevine:				
tar. oznake: 2401.10, 2401.20 i 2401.30	sl.	1	5	
tar. oznake: 2402.10, 2402.20 i 2402.90	15	1	5	
tar. oznake: 2403.101, 2403.102, 2403.109, 2403.91 i 2403.99	10	1	5	
Glava 27: Nafta i derivati:				
tar. oznake: 2709.001 (sirova nafta) i sve	sl.	1	5	
tar. oznake u okviru tarifnog broja 27.10				

Član 5.

Poreska osnovica poreza na promet kod uvoza nafte i naftnih derivata je uvozna cijena uvećana za zavisne troškove i troškove trgovine (marža) i uređuje se propisom Vlade Republike Bosne i Hercegovine.

Obračun i način formiranja cijene nafte i naftnih derivata uređuje se propisom Vlade Republike Bosne i Hercegovine.

Poreska osnovica poreza na promet za duhanske preradevine-cigarete je prodajna cijena uvoznika (maloprodajna cijena) u koju je uračunat porez na promet proizvoda.

Maloprodajnu cijenu duhanskih preradevina-cigareta utvrđuje nadležni republički organ na prijedlog uvoznika.

Poreska osnovica poreza na promet kod uvoza alkoholnih i bezalkoholnih pića, duhana i kahve je uvozna vrijednost ovih proizvoda uvećana za carinu.

Član 6.

Poreske stope poreza na promet su proporcionalne i određuju se u postotku na poresku osnovicu, i to:

	- u % -
1. nafta i naftni derivati	
1) motorni benzin: BMB-91 i BMB-95	60
MB-98	90
2) dizel gorivo (D1, D2, D3)	80
3) loživo ulje ekstra lako (EL) i loživo ulje lako specijalno (LS)	15
4) mlazno gorivo i avionski benzin	20
5) petrolej za motore, petrolej za osvjettljavanje, avionska i motorna ulja, mineralna maziva, hipoidna i ostala mineralna ulja i masti kao i primarni (sirovi) benzin	10
6) tekući naftni plin	15
7) ako se tekući naftni plin koristi pomoću specijalnih uređaja za pogon motornih vozila i motornih plovniha objekata	40
8) ulje za loženje-mazut: lako (L), srednje (S), teško (T), ekstra teško (ET), niskosumporno lako (NSL), niskosumporno srednje (NSS) i niskosumporno teško (NST)	10
Prije stavljanja u promet ulja za loženje (EL) i ulja za loženje lako specijalnog (LS), uvoznik je dužan obojiti ih jasnom crvenom bojom prije isporuke naručiocu za čiji su račun derivati uvezeni.	
2. duhan i duhanske preradevine	
1) sve vrste cigareta	60
2) duhan i ostale duhanske preradevine	25
3. alkoholna pića i osvježavajuća bezalkoholna pića, mineralne i gazirane vode i alkohol (etanol)	
1) prirodna vina, medicinska vina, medovinu i jabukovaču	40
2) ostala alkoholna pića (specijalna vina, konjak, rakija, žestoka pića i dr.)	140
3) pivo	50
4) mineralne i gazirane vode, osvježavajuća gazirana i umjetna bezalkoholna pića, aromatizirane sirupe i pića koja sadrže alkohol do 2%	30
5) alkohol (etanol):	
- za konzerviranje preparata i pulpiranje voća i povrća, proizvodnju parfimerijskih i kozmetičkih proizvoda te za denaturirani alkohol za gorivo	5
- za proizvodnju alkoholnih pića	20
- za daljnju prodaju trgovini na veliko	25
4. kahva	
- sirova, pržena, mljevena i ekstrakt	20

Član 7.

Izuzetno, od odredbe člana 6. ovog zakona, pri uvozu nafte i naftnih derivata, duhana i alkohola (etanol) za reprodukciju uvoznik plaća porez na promet proizvoda po stopi od 5%.

Pri uvozu sirove kafe za reprodukciju uvoznik ne plaća porez na promet proizvoda.

Ako uvoznik proizvoda, iz st. 1. i 2. ovog člana, nije proizvođač, porez za ove proizvode plaća po stopi, iz st. 1. i 2. ovog člana, uz pismenu izjavu da ove proizvode uvozi za proizvođača.

Pod proizvođačem u smislu ovog zakona podrazumijeva se pravno i fizičko lice registrirano za obavljanje proizvođačke djelatnosti.

Član 8.

Obaveza obračunavanja carine i poreza na promet iz ovog zakona nastaje danom prelaska graničnih prijelaza.

Obračun, iz stava 1. ovog člana, vrši carinski organ na graničnom prijelazu.

Član 9.

Carina i porez na promet plaćaju se u DEM u roku od pet dana od dana obračuna, na propisani jedinstveni račun sa podračunom 1. i 2.

Član 10.

Ako uvoznik ne plati obaveze, iz člana 9. ovog zakona, na iznos carine i poreza na promet koji nisu plaćeni u propisanom roku plaća se kamata u visini 1% dnevno na iznos neplaćene carine i poreza.

Smatra se da carina i porez na promet nisu uplaćeni u propisanom roku i kad nisu uplaćeni na propisani račun.

Član 11.

Uvoznik ne može izuzeti proizvode utvrđene ovim zakonom ispod carinskog nadzora prije nego što carinskom organu dostavi na uvid dokaz o plaćenju carini i porezu na promet proizvoda.

Carinski organ vodi evidenciju o obračunatim i plaćenim carinama, porezu na promet po proizvodima utvrđenim ovim zakonom i dostavlja je svakih 15 dana Ministarstvu finansija.

Član 12.

Nadzor nad provođenjem ovog zakona, vrše republički i općinski organi uprave nadležni za poslove poreske, devizne i carinske inspekcije, svaki u okviru svoje nadležnosti.

Član 13.

Novčanom kaznom od petostrukog do petnaestostrukog iznosa vrijednosti robe kaznit će se za privredni prijestup pravno lice-uvoznik ako:

1. uvozi robu bez odobrenja nadležnog organa (član 2);
2. proizvode nabavljene uz povlašćenu stopu upotrijebi u svrhe za koje nije propisana povlašćena stopa (član 7);
3. nadležnom organu ne prijavi promjenu cijene za duhanske preradevine-cigarete (član 5).

Novčanom kaznom od 20 do 400 DEM u dinarskoj protivrijednosti po srednjem kursu koji određuje i objavljuje Narodna banka Bosne i Hercegovine (u daljem tekstu: Narodna banka), kaznit će se za privredni prijestup iz stava 1. ovog člana direktor i drugi radnik sa posebnim ovlaštenjima u pravnom licu.

Član 14.

Novčanom kaznom od 200 do 416 DEM u dinarskoj protivrijednosti po srednjem kursu koji utvrđuje i objavljuje Narodna banka, kaznit će se za prekršaj fizičko lice za radnje iz člana 13. stav 1. tačka 2. ovog zakona.

Član 15.

Na uređivanje carine i poreza na promet proizvoda iz ovog zakona, u dijelu u kome to nije regulirano ovim zakonom, primjenjivat će se odgovarajuće odredbe propisa o carinama i porezu na promet proizvoda.

Član 16.

Carina i porez na promet proizvoda iz člana 1. ovog zakona, naplaćeni od 12. aprila 1994. godine do dana stupanja na snagu ovog zakona prenijet će se sa računa općina odnosno okruga na račun Ministarstva finansija.

Član 17.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

299

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O POREZU NA PROMET DUHANSKIH PRERADEVINA, ALKOHOLNIH I BEZALKOHOLNIH PIĆA

Proglašava se Zakon o porezu na promet duhanskih preradevina, alkoholnih i bezalkoholnih pića, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1674/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O POREZU NA PROMET DUHANSKIH PRERADEVINA, ALKOHOLNIH I BEZALKOHOLNIH PIĆA

Član 1.

Ovim zakonom uređuje se porez na promet duhanskih preradevina, alkoholnih pića, osvježavajućih bezalkoholnih pića, mineralnih i gaziranih voda (u daljem tekstu: alkoholna i bezalkoholna pića).

Član 2.

Na promet proizvoda iz ovog zakona, obračunava se i plaća porez na promet po jedinstvenim stopama utvrđenim ovim zakonom.

Porez na promet proizvoda, iz stava 1 ovog člana, predstavlja prihod republičkog budžeta.

Član 3.

Poreski obveznik poreza na promet proizvoda, iz člana 1. ovog zakona (u daljem tekstu: poreski obveznik) je pravno ili fizičko lice - proizvođač ovih proizvoda, osim kad te proizvode prodaje na propisan način i pod propisanim uvjetima, radi dalje prodaje u prodavnicama za strana sredstva plaćanja.

Pravno lice dužno je prilikom nabavke proizvoda, iz člana 1. ovog zakona, bez plaćanja poreza na promet podnijeti pismenu izjavu da će navedene proizvode prodavati isključivo u prodavnicama za strana sredstva plaćanja.

Proizvođač je dužan da po jedan primjerak fakture o prodaji proizvoda bez plaćanja poreza na promet odmah, a najkasnije u roku od tri dana od dana prodaje dostavi nadležnoj organizacionoj jedinici službe društvenog knjigovodstva i općinskom organu uprave nadležnom za poslove tržišne inspekcije prema mjestu sjedišta vlasnika prodavnice.

Član 4.

Poreska osnovica poreza na promet duhanskih preradevina-cigareta je prodajna cijena proizvođača u koju je uračunat porez na promet proizvoda.

Maloprodajnu cijenu duhanskih preradevina-cigareta utvrđuje nadležni republički organ, na prijedlog proizvođača.

Član 5.

Poreska osnovica poreza na promet preradevina od duhana, osim cigareta i alkoholnih i bezalkoholnih pića je prodajna cijena koja u sebi ne sadrži porez na promet proizvoda.

Član 6.

Pod prodajnom cijenom koja služi kao poreska osnovica podrazumijeva se ukupno bruto naknada koju proizvođač naplaćuje od kupca uključujući i sve sporedne troškove koji su zaračunati kupcu za kupljene proizvode.

Član 7.

Poreske stope poreza na promet su proporcijalne i određuju se u procentu na poresku osnovicu, i to:

u % -

1. preradevine od duhana:

- 1) sve vrste licenciranih cigareta 55
- 2) sve vrste domaćih cigareta i cigareta kvalitetnih grupa I-IV 50
- 3) rezani duhan svih vrsta i kvaliteta, cigare, cigarilosi, duhan za lulu, duhan za žvakanje i burmut 20

2. alkoholna pića, osvježavajuća bezalkoholna pića, mineralne i gazirane vode:

- 1) prirodna vina, medicinska vina, medovine i jabukovače 30
- 2) prirodna rakija i vinjak 100
- 3) ostala alkoholna pića (specijalna vina, konjak, žestoka pića i dr.) 130
- 4) pivo 37
- 5) mineralne i gazirane vode, osvježavajuća gazirana i umjetna bezalkoholna pića, aromatizirani sirupi i pića koja sadrže alkohol do 2% 25
- 6) alkohol (etanol) 25
- za konzerviranje preparata i pulpiranje voća i povrća, proizvodnju parfimerijskih i kozmetičkih proizvoda i za denaturirani alkohol za gorivo 5
- za proizvodnju alkoholnih pića 18

Član 8.

Poreski obveznik, iz člana 3. ovog zakona, dužan je da u trenutku kada proda ili na drugi način izvrši promet proizvoda iz ovog zakona (uzimanje proizvoda za vlastitu upotrebu ili potrošnju, davanje proizvoda bez naknade, manjak proizvoda, rashod proizvoda i dr.) obračuna porez na promet proizvoda.

Član 9.

Obračunati porez na promet poreski obveznik dužan je uplatiti na propisani uplatni račun u roku od deset dana po isporuci proizvoda.

Član 10.

Poreski obveznik i posrednik u prodaji duhanskih preradevina dužan je pri svakoj promjeni cijena ili pri svakoj promjeni poreskih stopa izvršiti popis zaliha duhanskih preradevina i o tome sastaviti zapisnik po vrstama, količinama i cijenama zatečenih duhanskih preradevina na zalihama.

Poreski obveznik dužan je popis zaliha duhanskih preradevina obaviti uz prisustvo ovlaštenog radnika finansijske policije.

Posrednici duhanskih preradevina dužni su zapisnike o obavljenom popisu dostaviti nadležnoj organizacionoj jedinici službe društvenog knjigovodstva u mjestu njihovog sjedišta, a najkasnije idući dan od dana obavljenog popisa.

Član 11.

Poreski obveznici i posrednici u prodaji duhanskih preradevina dužni su razliku poreza na promet uplatiti odmah ili najkasnije idući dan, a dokaz o tome dostaviti nadležnoj organizacionoj jedinici službe društvenog knjigovodstva, uz zapisnik o obavljenom popisu.

Član 12.

Poreski obveznik dužan je da u svojim knjigovodstvenim, vanknjigovodstvenim i drugim evidencijama i poslovnim knjigama osigura podatke i dokaze o izvršenoj nabavci i prodaji

kao i o obračunatom i plaćenom porezu na promet proizvoda iz člana 1. ovog zakona.

Poreski obveznik dužan je da za svaki pojedinačno ostvareni promet proizvoda iz člana 1. ovog zakona, istovremeno izda fakturu koja obavezno sadrži vrstu, naziv, količinu i cijenu proizvoda, kao i poresku osnovicu, poresku stopu, iznos obračunatog poreza na promet, te datum, ime i adresu kupca.

Član 13.

Odgovorno lice u pravnom licu koje, u namjeri da sebi ili drugom pribavi protupravnu imovinsku korist vršeći prodaju proizvoda iz člana 1. ovog zakona, bez ovlaštenja za prodaju ili bez posjedovanja dokumentacije o porijeklu proizvoda, kaznit će se za krivično djelo kaznom zatvora do tri godine.

Član 14.

Proizvodi, iz člana 1. ovog zakona, zatečeni u prometu ili prodati bez dokaza o porijeklu ili dokaza o plaćenom porezu na promet proizvoda, smatraju se proizvodima na koje nije plaćen porez na promet proizvoda.

Na proizvode iz stava 1. ovog člana obračunat će se porez na promet na propisanu osnovicu primjenom propisanih stopa uvećanih za 50% i naplatiti na licu mjesta.

Ako vlasnik proizvoda ne plati porez na promet na licu mjesta, zaplijent će mu se roba, dok ne izvrši uplatu poreza i dokaz o uplati ne prezentira finansijskoj policiji.

Član 15.

Novčanom kaznom od 1000 do 8000 DEM u dinarskoj protuvrijednosti po srednjem kursu koji utvrđuje i objavljuje Narodna banka, kaznit će se za privredni prijestup pravno lice:

1. ako ne obračuna porez na promet na način predviđen ovim zakonom, odnosno ako ga obračuna netačno ili ako obračunati porez ne uplati u propisanom roku na propisane račune (čl. 5. do 9.).

2. ako promet duhanskih preradevina-cigareta vrši po cijena većim od utvrđenih (član 4.).

3. ako ne osigura podatke i dokaze o izvršenoj nabavci i prodaji proizvoda, kao i o obračunatom i plaćenom porezu na promet proizvoda (član 12. stav 1.).

4. ako za svaki pojedinačno ostvareni promet proizvoda ne izda fakturu u propisanom roku na propisani način (član 12. stav 2.).

5. ako ne obavi popis duhanskih preradevina-cigareta prilikom promjene maloprodajnih cijena ili pri promjeni porca na promet i zapisnik o popisu ne dostavi nadležnom organu (član 10. stav 2.).

6. ako svojstvu kupca prilikom nabavke proizvoda iz ovog zakona da prodavcu netačne ili neistinite podatke na osnovu kojih te proizvode nabavlja bez plaćanja poreza na promet (član 3.).

7. ako proizvode koje je nabavio uz izjavu bez plaćanja poreza na promet upotrijebi za druge svrhe a ne za prodaju u prodavnicama za strana sredstva plaćanja (član 3.).

8. ako ne dostavi primjerak fakture o prodaji proizvoda bez plaćanja poreza na promet u propisanom roku nadležnim organima (član 3.).

Novčanom kaznom od 20 do 416 DEM u dinarskoj protuvrijednosti po srednjem kursu koji utvrđuje i objavljuje Narodna banka, kaznit će se za privredni prijestup iz stava 1. ovog člana i direktor i drugi radnik sa posebnim ovlaštenjem u pravnom licu.

Za ponovljeni privredni prijestup iz stava 1. tač. 1. i 3. ovog člana uz novčanu kaznu pravnom licu izreći će se zaštitna mjera zabrane vršenja djelatnosti u trajanju od šest mjeseci do pet godina.

Član 16.

Novčanom kaznom od 200 do 416 DEM u dinarskoj protuvrijednosti po srednjem kursu koji utvrđuje i objavljuje Narodna banka, kaznit će se za prekršaj fizičko lice - samostalni privrednik za radnje iz člana 15. stav 1. ovog zakona.

Za ponovljeni prekršaj iz člana 15. stav 1. tač. 1. i 3 ovog zakona, uz novčanu kaznu fizičkom licu-samostalnom privred-

niku izreći će se zaštitna mjera zabrane vršenja samostalne djelatnosti u trajanju od šest mjeseci do pet godina.

Član 17.

Na uređivanje poreza na promet proizvoda iz ovog zakona, u dijelu u kojem to nije posebno regulisano ovim zakonom, primjenjivat će se odredbe propisa o oporezivanju proizvoda i usluga u prometu.

Član 18.

Danom stupanja na snagu ovog zakona prestaju da važe: Uredba sa zakonskom snagom o porezu na promet određenih proizvoda ("Službeni list RBiH", br. 15/92 i 24/92), odredbe čl. 2. i 3. Uredba o privremenom uređivanju poreza na promet proizvoda i usluga ("Službeni list SRBiH", br. 3/92 i 5/92), kao i odgovarajuće odredbe propisa iz čl. 1. i 4. te uredbe, koje se odnose na promet proizvoda iz ovog zakona.

Član 19.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

300

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I DOPUNAMA ZAKONA O PRODAJI ROBE ZA STRANA SREDSTVA PLAĆANJA

Proglašava se Zakon o izmjenama i dopunama Zakona o prodaji robe za strana sredstva plaćanja, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1675/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA I DOPUNAMA ZAKONA O PRODAJI ROBE ZA STRANA SREDSTVA PLAĆANJA

Član 1.

U Zakonu o prodaji robe za strana sredstva plaćanja ("Službeni list RBiH", br. 23/92, 4/93, 13/93 i 13/94) u članu 4. iza stava 1. dodaje se novi stav 2. koji glasi:

"Izuzetno od odredbe stava 1. ovog člana, roba koja se uvozi i prodaje u prodavnicama nafta i naftini derivati, alkoholna pića, osvježavajuća gazirana i bezalkoholna pića, mineralne i gazirane vode, alkohol (etanol), duhan i duhanske preradevine i kahve - sirove, pržena, mljevena i ekstrakt podliježe plaćanju carine, carinskih i drugih uvoznih dadžbina i poreza na promet proizvoda koji se plaćaju pri uvozu u skladu sa posebnim propisom".

Dosadašnji stav 2. postaje stav 3.

Član 2.

U članu 5. iza stava 2. dodaju se novi st. 3. i 4. koji glase: "Ako ne postoje uvjeti da se promet naftnih derivata vrši u maloprodaji putem benzinskih pumpi u skladu sa stavom 2. ovog člana, promet naftnih derivata može se vršiti i putem instalacija i skladišta koja posjeduju urednu dokumentaciju i dozvolu za obavljanje maloprodaje.

Promet naftnih derivata iz stava 3. ovog člana vrši se pod uvjetima i na način propisan ovim zakonom."

Član 3.

U članu 8. iza stava 1. dodaje se novi stav 2. koji glasi:

"Izuzetno, od stava 1. ovog člana, cijena nafte i naftinih derivata i cijena preradevina od duhana - cigareta koji se uvoze uređuje se posebnim propisom, a cijena alkoholnih i bezalkoholnih pića i kahve koji se uvoze formira se na osnovu obračuna vrijednosti robe prijavljene carinarnici, odnosno vrijednosti robe koja se plaća dobavljaču, slobodno obrazovane marže vlasnika prodavnice, carine i poreza na promet proizvoda koji su plaćeni pri uvozu."

Član 4.

U članu 14. u stavu 1. u alineji 2. iza riječi "dokumentacija" tačka i zarez se zamjenjuju zarezom i dodaju riječi: "a za robu koja se uvozi i na koju se pri uvozu plaća carina i porez na promet proizvoda i dokazi o plaćenju carini i porezu."

Član 5.

Ovaj zakon stupa na snagu danom objavljivanja u "Službenom listu RBiH", a član 1. primjenjivat će se od 12. aprila 1994. godine.

Predsjednik
Skupštine RBiH,
Miro Lazović, s. r.

301

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O POSEBNOM POREZU NA KAHVU

Proglašava se Zakon o posebnom porezu na kahvu, koji je donijela Skupština Republike Bosne i Hercegovine na sjednici Skupštine od 22. juna 1994. godine.

PR broj 1676/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O POSEBNOM POREZU NA KAHVU

Član 1.

Ovim zakonom uvodi se poseban porez na kahvu koja se uvozi i uređuje obračun i plaćanje ovog poreza.

Poseban porez na kahvu je prihod republičkog budžeta.

Član 2.

Pod kahvom u smislu ovog zakona podrazumijeva se kahva pržena ili nepržena sa ili bez kofeina iz tarifnog broja 09.01. carinske tarife propisane Zakonom o carinskoj tarifi ("Službeni list RBiH", br. 2/92 i 13/92).

Član 3.

Poreski obveznik posebnog poreza na kahvu je pravno ili fizičko lice koje uvozi, unosi ili prima kahvu.

Član 4.

Poseban porez na kahvu plaća se za jedan kilogram neto težine kahve razvrstane prema carinskim propisima u DEM, i to:

- | | |
|---|----------|
| 1. Kahva nepržena, sa kofeinom (tar.oznaka 0901.11) i bez kofeina (tar.oznaka 0901.12) | 1.00 DEM |
| 2. Kahva pržena, sa kofeinom (tar.oznaka 0901.21) i bez kofeina (tar.oznaka 0901.22) | 2.50 DEM |
| 3. Kahvene ljuške i opne (tar.oznaka 0901.30) | 3.00 DEM |
| 4. Zamjene kahve koje sadrže kahvu (tar. oznaka 0901.40), ekstrakti, esencije, koncentrat i preparati na bazi tih ekstrakata, esencija ili koncentrata na bazi kahve (tar.oznaka 2101.10) | 4.00 DEM |

Poseban porez na kahvu iz stava 1. tač. 2., 3. i 4. ovog člana ne plaća se ako je kahva proizvedena i uvezena iz Republike Hrvatske.

Član 5.

Obračun, naplatu i povrat posebnog poreza na kahvu vrši ovlaštena carinarnica u skladu sa propisima o postupku obračuna i naplate carine, zavisno od sjedišta uvoznika.

Član 6.

Poreski obveznik, iz člana 3. ovog zakona, uvoznik, obavezan je da vodi evidenciju o uvezenim količinama kahve, izraženim u kilogramima neto-težine po vrstama, te obračunatom i plaćenom posebnom porezu na kahvu.

Evidencije, iz stava 1. ovog člana, moraju sadržavati početno stanje i stanje zaliha, pri promjeni posebnog poreza na kahvu.

Evidencije moraju odgovarati podacima iz uvoznih carinskih deklaracija i ostaloj poslovnoj dokumentaciji.

Upis u evidenciju obavlja se svakodnevno, a najkasnije sljedećeg radnog dana od nastanka poslovne promjene.

Evidencije se zaključuju mjesečno.

Poreski obveznik-uvoznik u roku od osam dana nakon isteka mjeseca dužan je finansijskoj policiji, prema sjedištu poreskog obveznika, dostaviti mjesečne izvještaje o stanju uvezenih količina kahve, plaćenom posebnom porezu na kahvu i stanju zaliha.

Član 7.

Poreski obveznik-uvoznik dužan je na dan stupanja na snagu ovog zakona izvršiti popis kahve na zalihama i o tome sastaviti zapisnik po vrstama i količinama, te obračunati poseban porez na utvrđene zalihe i platiti ga u roku od osam dana od dana popisa. Primjerak zapisnika obveznik je dužan dostaviti finansijskoj policiji najkasnije idućeg dana od dana obavljanog popisa.

Član 8.

Novčanom kaznom u iznosu od 200 do 1000 DEM u dinarskoj protuvrijednosti koju utvrđuje i objavljuje Narodna banka Bosne i Hercegovine kaznit će se za prekršaj poreski obveznik, ako:

1. U roku ne uplati razliku poreza (član 7);
2. Utvrđene zalihe ne iskaže u evidenciji iz člana 6. (član 7);
3. ne pruži na uvid dokument o nabavci kahve (član 6. stav 3);
4. Ne vodi, netačno i neažurno vodi propisane evidencije i ako ne zaključuje evidencije mjesečno (član 6. st. 1, 2, 3, 4, i 5);
5. Finansijskoj policiji ne dostavi ili u roku ne dostavi mjesečni izvještaj (član 6. stav 6).

Član 9.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

302

Na osnovu Amandmana LXXIII tačka 1. stav 7. na Ustav Republike Bosne i Hercegovine, Predsjedništvo Republike Bosne i Hercegovine, donosi

UKAZ

O PROGLAŠENJU ZAKONA O IZMJENAMA I DOPUNAMA ZAKONA O AKADEMIJI NAUKA I UMJETNOSTI BOSNE I HERCEGOVINE

Prolašava se Zakon o izmjenama i dopunama Zakona o Akademiji nauka i umjetnosti Bosne i Hercegovine, koji je

donijela Skupština Republike Bosne i Hercegovine, na sjednici Skupštine od 22. juna 1994. godine.

PR broj 1677/94
22. juni 1994. godine
Sarajevo

Predsjednik
Predsjedništva RBiH,
Alija Izetbegović, s. r.

ZAKON

O IZMJENAMA I DOPUNAMA ZAKONA O AKADEMIJI NAUKA I UMJETNOSTI BOSNE I HERCEGOVINE

Član 1.

U Zakonu o Akademiji nauka i umjetnosti Bosne i Hercegovine ("Službeni list SRBiH", br. 40/75 i 33/81) u članu 1. riječi: "i samoupravna" i riječ "Socijalističkoj" brišu se, a iza riječi "umjetnosti" stavlja se tačka, a preostali dio teksta briše se.

Član 2.

U članu 3. alineja 7. riječi: "samoupravnim organizacijama i zajednicama, društveno-političkim zajednicama i" brišu se.

Član 3.

U članu 4. riječi: "i drugim samoupravnim organizacijama i zajednicama" brišu se.

Član 4.

U članu 6. riječ "Socijalističke" i riječi: "preko odgovarajućih samoupravnih interesnih zajednica" brišu se.

Član 5.

U članu 7. riječi: "Republički sekretarijat" zamjenjuju se riječju "Ministarstvo".

Član 6.

U članu 9. st. 1. i 2. riječi: "jugoslovenski državljani" zamjenjuju se riječima: "državljanin Republike Bosne i Hercegovine".

Član 7.

U članu 10. u stavu 1. riječi: "Socijalističke Federativne Republike Jugoslavije" zamjenjuju se riječima: "Republike Bosne i Hercegovine".

Član 8.

U članu 11. u stavu 1. riječi: "jugoslovenski državljani" zamjenjuju se riječima: "državljanin Republike Bosne i Hercegovine".

Član 9.

U članu 14. u stavu 1. riječ "tri" zamjenjuje se riječju "dva".

Član 10.

U članu 21. u stavu 1. iza riječi "radu" stavlja se tačka, a preostali dio teksta briše se.

Stav 2. mijenja se i glasi:

"Medusobna prava i obaveze i druga prava koja proističu iz radnog odnosa, radnici stručne i naučne službe utvrđuju općim aktima, u skladu sa zakonom."

Član 11.

U članu 22. riječ "Socijalističke" briše se.

Član 12.

Ovaj zakon stupa na snagu danom objavljivanja u "Službenom listu RBiH".

Predsjednik
Skupštine RBiH,
Miro Lazović, s. r.

SADRŽAJ

292	Zakon o ministarstvima i drugim organima državne uprave Republike Bosne i Hercegovine	249	298	Zakon o uvozu, carini i porezu na promet pri uvozu određenih proizvoda	258
293	Zakon o primjeni Zakona o unutrašnjim poslovima	255	299	Zakon o porezu na promet duhanskih preradevina, alkoholnih i bezalkoholnih pića	260
294	Zakon o izmjenama Zakona o eksproprijaciji	256	300	Zakon o izmjenama i dopunama Zakona o prodaji robe za strana sredstva plaćanja	262
295	Zakon o izmjenama i dopunama Zakona o radio-televiziji Bosne i Hercegovine	257	301	Zakon o posebnom porezu na kahvu	262
296	Zakon o izmjenama i dopunama Zakona o državljanstvu Republike Bosne i Hercegovine	258	302	Zakon o izmjenama i dopunama Zakona o Akademiji nauka i umjetnosti Bosne i Hercegovine	263
297	Zakon o dopuni Zakona o putnim ispravama državljana Republike Bosne i Hercegovine	258			

TARIFA I

Organi, organizacije, zajednice i pojedinci koji dostavljaju oglase radi objavljivanja u "Službenom listu RBiH", na ime objave plaćaju po propisanoj tarifi i to:

1. OGLAŠAVANJE NEVAŽEĆIM LIČNIH ISPRAVA I DOKUMENATA

- svjedočanstva, radne knjižice, knjižice za povlaštenu vožnju, čekovne karte, čekovi i druge isprave DEM 1,50

Za lica iz tačke I uz primjenu tačke III Odluke o oslobađanju od plaćanja određenih komunalnih usluga ("Službeni list RBiH", broj 14/94) ova tarifa iznosi 0,50 DEM (pripadnik oružanih snaga, ratni vojni invalid i porodica palog borca)

- izgubljena invalidska knjižica DEM 0,50

2. OGLASI REDOVNIH SUDOVA

- proglašenje umrlih, dokazivanje smrti, ostavinski i parnični postupak DEM 8,00

3. SLUŽBENE OBJAVE

- upis u sudski registar i brisanje iz sudskog registra po jednom redu kucanom na mašini DEM 1,00

- oglašavanje nevažećih pečata, štambilja, čekova i ostale službene objave po jednom redu kucanom na mašini DEM 1,00

Za sve vrste oglasa uplate se vrše UNAPRIJED na žiro-račun broj: 10100-603-1396 ili u gotovu na blagajni Službenog lista RBiH, Sarajevo, Ulica Magribija 3.

Uplatnica treba da bude čitko popunjena sa naznakom svrhe uplate.

Ova tarifa primjenjuje se od 1. jula 1994. godine.

Tarifa se naplaćuje u dinarskoj protuvrijednosti po tržišnom kursu DEM koji primjenjuju poslovne banke u mjestu gdje se vrši uplata.

TARIFA II

Pravna lica sa sjedištem u Republici i inozemstvu i fizička lica sa prebivalištem u inozemstvu (član 13. Uredbe sa zakonskom snagom o deviznom poslovanju - "Službeni list RBiH", broj 10/94), plaćaju: akontaciju pretplate na "Službeni list RBiH", za II kvartal 1994. godine DEM 30,00; USD 17,60; GBP 11,80; CHF 25,60; ATS 210,30; za službene objave po jednom redu kucanom na mašini DEM 1,50; USD 0,90; GBP 0,60; CHF 1,30; ATS 10,50.

Uplate iz inozemstva vršiti preko računa Narodne banke Bosne i Hercegovine kod slijedećih inozemnih banaka: Deutsche bank AG, Frankfurt/Main račun broj 9359316 DEM i USD, Barclaya Bank PLC London račun broj 60867888 GBP, Union Bank of Switzerland Zürich račun broj 6010905 J CHF, Creditanstalt Bankverein Wien račun broj 0101-66007/00 ATS, Credit Lyonnais Paris račun broj 9100-23 107 U FRF. Svrha doznake: U korist računa 7230-7/0080 Ministarstvo finansija ("Službeni list RBiH") za pretplatu - oglas - službenu objavu